

般泛法水

水性俱趨下通流上要般冷然無壅滯洗滌又何難

次洗諸垢

垢穢於身染須憑法水清洗來三界淨閃出一圓明

淨潔明白

洗淨諸塵垢真如淨潔明皎然羣昧破慧覺徹源清

無掛無念

意識無奔驟甯然勿繫牽此時諸事緒俱變一清泉

圓圓不缺

慧性復完就如初更不傷圓明何有缺皎皎一冰霜

道藏輯要

太虛心淵篇

卷

上易集五

秋月當空

素月當秋夜輝空滿一輪盈然天地白燦燦玉無塵

湛湛無遮

湛湛全清淨澄明定真遮六塵齊一拂爭敢有些些

白雲離頂

洩洩秋羅薄溶溶起玉峰無遮應不住明淨竟何從

空空不住

萬態何能掛超然悉入空圓圓甯有住浩浩燦靈通

實實無相

有相為無相無形寄有形巍然存建立真不喪其靈